

Նկեղեցւոյ : Չոքաւ Արիոս 'ի Պաղեստին , այլ Մակար Հայրապետ Երուսաղէմի ոչ ընկալաւ զնա , և անտի մեկնեցաւ 'ի Նիկամիդեա 'ի կոչ Եւսեբիոսի բարեկամին իւրոյ :

Գումարեցաւ ժողով վասն այսր հրամանաւ Կոստանդինոսի 318 Հայրապետաց 'ի Նիկիա Բիւթանացւոց (325) : Զկնի Հայրապետացն Աղեքսանդրեայ , Անտիոքայ , և Հայոց , երեւելի էր և Մակար Հայրապետն Երուսաղէմի , յորոյ անունէ անգամ սարսէր Արիոս . քաջասիրտ հանդիսացաւ 'ի ժողովի անդ . Աթանաս Սարկաւազն եպիսկոպոսին Աղէքսանդրիայ . մերժեաց ժողովն զվարդապետութիւնն նոր . ընկեցաւ մերժեցաւ Արիոս 'ի հաղորդութենէ Նկեղեցւոյ և հրամանաւ Կայսեր աքսորեցաւ 'ի Լիւրիկէ , և գիրք նորա մաշեցան 'ի հուր :

Իսկ Կոստանդիանոս եւ 'ի Հռոմայ , և ընտրեաց զԲիւզանդիոն քաղաք քրիստոնէից 'ի միջոց վայրի Ասիայ եւ Եւրոպայ . մեծացոյց զքաղաքն , զարդարեաց ապարանիւք , 'ի զեղեցիկ սրահի շքեղ կայսերական պալատանն կանդնեցաւ Խաչ ոսկի ընդեկրուղեալ ակամբք պատուականօք . դեղեցկագոյն քան զամենայն եկեղեցիսն , եկեղեցի Առաքելոցն էր : (330 կամ 334) :

Նախ քան զորդին իւր արդէն ելեալ էր 'ի պալատանէն Դչխոյն Հեղինէ 79 ամեայ գնալ 'ի Պաղեստին , ուր եգիտ ձեռնտու և օգնական իւր զՄակար Հայրապետ Երուսաղէմի , և բուռն հար գտանել սրբել զՏնօրինական Ս . Տեղիսն , որ պղծեալ և ծածկեալ էին հեթանոսական պաշտամամբք . երարձ զարձանս կոոց զեդեալսն յԱգրիանոսէ . եգիտ զՓերեգմանն Ս . եւ զայլ տեղիս (326) : Ապա զհետ եղեւ խնդրել փափաքելի տեճմամբ զկենսատու փայտ Խաչին Քրիստոսի ծածկեալն 'ի Հրէից , եւ 'ի հարցանել խոչանդանօք զխորամանկ Հրէայսն ցուցանել զտեղի Սրբոյ Խաչին , նոքա յառաջ մատուցին զՅուդա իբրեւ առաւել տեղեկագոյն հնութեան : Այս Յուդա էր աղգաւ Հրէայ ընակեալ 'ի Պաղեստին հանդերձ մարբ իւրով Աննայիւ , և էր ինքն ծանուցեալ 'ի մէջ Հրէից իբրեւ այր առաքինի և բարի 'ի կարգի աւանդապահ Երուսեղեցւոց և աւանդութեամբ առանձին ցեղին իւրոյ համարեալ էր յազգականութենէ տանն Ս . Ստեփաննոսի նախապկայի ,